

քանդակաւ փորեալ է վիթխարի գլուխ եղին մանեակ 'ի բերանի, յորմէ լուծք չլիցայլոյ արձակին և կապեն առիւծունս կրկին և արծուի թևատարած սաւառնէ 'ի վերոյ նոցա՝ մագլցի ունելով զգառն. 'ի հարաւային որման կայ արձանագիր յիշատակի Պառչայ մեծի իշխանի շինողի մատրանն. ծաղկածք և խաչազարդք պճնեն զերես որմոցն: Համանման ամին են և Բ և Գ մատուռներն յարեւելից նորա, ունելով և սոցա զմուտսն 'ի մեծէ գաւթէն, առաւելեալք զարդուցն մասամբ. իսկ Դն որ 'ի վերայ սոցա կայ՝ ունի մուտս արտաքոյ յարեւմտեան հարաւոյ, 'ի նմին վիմէ, և է քառակուսի իբրեւ 20 ոտնաչափ առ կողմն. չորիս ունի սինս ստուարս և գեղեցիկս, յորոց կամարք ձգեալք ամբառնան գմբէթ սրածն, յորում՝ լուսամուտ բոլորչի, և աստի կարծի սկիզբն արարեալ փորուածոյ մատրանն և տակաւ 'ի վայր խաղացեալ որպէս 'ի բովս. կայ 'ի սմա բեմ և սեղան. 'ի վերնախարսիս միոյ 'ի սեանցն գրեալ է արձանագիր Պապաքայ որդւոյ Պառչայ և կնոջ նորա Ռուզուքանայ, որ յամին 1288 ետուն զայն փորել. կան և այլ մատրուք փորելուք փորեալք 'ի բազում կողմանս քարալերինս. մասամբ վիմափորք են և սենեակք մենաստանին որ 'ի հարաւոյ և յելից եկեղեցեայն. 'ի տաճարի մեծի եկեղեցւոյն պահէր գեղարդն սուրբ՝ որ այժմս դանձեալ պահի յէջմիածին: — Կրոր ոստիկան Արաքցի աւերեաց նախ զտեղիս զայս յամին 923, և ապա սասանութիւնն 1679 ամին, և յետոյ Լեզկիք. և առ մեծ կրկին նորոգեալ յամին 1834, ոչ տակաւ անգրէն վտանգեցաւ և խախտեցաւ 'ի մեծէ սասանութիւնէն Արարատայ յամին 1840. տակաւ ու մանք 'ի ճգնաւորաց Սևանայ պահէն այժմ զգարմանալն մենաստանս: — Որում նման և պայծառագոյն ևս էր Հայոց Թառ կամ Հառոց Թառ՝ յարեւելից հարաւոյ սորա և յելից գետոյն, նորոգ շինեալ Աֆնա՝ խիլ եկեղեցեալն 'ի Գրիգորէ մագիստրոսէ՝ յամին 1013, որ նոյնպէս կործանեցաւ յամին 1679, և թէ պէտ ձեռն արկին 'ի նորոգութիւն, այլ լքեալ մընաց: Մերձ երկոցուն սոցա 'ի նոյն լերինս էր և Աւջոյ վանք՝ առ յիշատակէ սրբոց Հովսիսմեանց, հաստատեալ 'ի Լուսաւորչէն: Մերձ նմին թուի և Ուջափէր գիւղ, բնակեալ այժմ 'ի սահաւոց մահմետականաց, յորում անձաւախիտ քարայրք են վիմափորք, այլ ոչ է քննեալ սեղոյս:

142. ՇԱՐՈՒՐ գաւառ 'ի հարաւոյ կայ Զէնկի պազարայ և յարեւելից Տարալաղզայ, Երասխաւ սահմանեալ յարեւմտից կողմանէ, և Արբա գետով օժանդակաւ նորուն 'ի հարաւոյ. արեւելեան մասն նորա լեռնավայր է, արեւմտակողմն դաշտագետին, և մասն է գաւառացն Այրարատայ՝ ԴՈՒՆՆՑ ԴԵՏՏԻՆ և ՇԱՐՈՒՐ: Հիւսիսակողմն կոչի ԱԻՏԻՊԱՋԵՐ, յանուն վէթե վտակի՝ որ թափի յԵրասխ. ընդ մէջ նորա և Արբայի խաղայ այլ վտակ Զառաթի կոչեցեալ: Յերկոյն վիճակս գաւառիս 70 դեղք են, յորոց բնակչս՝ Հայք 3000 միայն, այլքն Թաթարք: Գլխաւորք 'ի գեղեւանն են վէթի, յորում 100 տուն Հայոց և 130 Թաթարաց: — Տէկէկ, 'ի սմա ևս 100 երգք Հայոց, — Սաթար, 140 տամբ Թաթարաց և Պարսից: Ի ընդին Շարուր գլխաւոր գետի է Պաւ-Կուրսէն իբր 100 հայ գերդաստանօք և 25 այլազգեօք, առ Արբայ գետով. — Ենիճէ, Խաւէլուր, Վայիթի? և այլն: Քաղաք կամ շէն նշանաւոր ոչ յիշատակի այժմ 'ի գաւառիս, այլ հարկ էր 'ի հնումն բարդաւաճ յոյժ լինել նմին, մերձ գլուխ յիշատան արքունի և յաւաք լեռունն Մասիս. և թերեւս գոյնի մնացածք շինուածոց 'ի 40 և յաւելի գետուն ամալիս, արտաքոյ եօթանասիցն բնակեցելոց:

143. ԿԵՕՐ-ՉԱՅ գաւառ ընդարձակ յարեւելից կայ չորիցն նախագրեւոյ, և բոլորի զծովական Գեղամայ, տարածեալ ընդ հիւսիսի և ընդ հարաւ և ընդ արեւմուտս. հիւսիսակողմն ունի զՄԱՆՏԻՔ, զԵԿ և զԵՆԱՎՈՒՆԻՍ կամ ՎԱՐՄԱՆՈՒՆԻՍ գաւառս Այրարատայ, արեւմտակողմն զՄԱՋԱՋ, հարաւակողմն և արեւելեան անձուկ եղբ ԳԵՆԱՔՈՒՆԻ գաւառ Սիւնեաց. մասամբ վայոյ Ձորոյ: Զարգիս արեւմտեան հիւսիսային մասն գաւառիս ՎԱՐՄԱՆ կոչի, յորում 40 դեղք են. մասն վիճակիս յայնկոյս Քասաղայ կայ զԱրագած լեռն, հիւսիսային և միջին կողմն ՏԱՐԱՆ ԶԻՉԱՎ կոչի, որ թարգմանի Դաշուհեաց Ձոր, և կոչի իսկ այսպէս 'ի յիշատակարանս. 'ի սմա 37 դեղք են. հարաւակողմն է բուն ԿԵՕՐ-ՉԱՅ, յորում 60 դեղք հայաբնակք 9000 ուզով: — Համօրէն գաւառն կոչակացեալ է լերամբք և ձորովք, և կենդրոն իմն թուի անհղ հրաբխից, և 'ի նոցանէ գոգացեալ տաշտաձև Լիճն Սեանայ, որ է Դուլ Գեղամայ կամ Գեղաթաւեաց լստ նախնեաց, կապոյտ ծով կոչեցեալ յայլազգեաց, Կեօլայ կամ Կեօլէ Գեղի, և Տէրեթի՝ 'ի Պարսից, այսինքն Գեղեցիկ ծով: Ի հիւսիսոյ նորա ձգին Իշէկ-մէյտան լերինք և անջրպետն յելից կուսէ զնահանգն Գանձակայ. յարեւմտից կուսէ ամբառնան Իւլիէթէր (Երեքգագաթունք) կոչեալք հրաբխիք, և Ահմանկան լերինք բարձունք, որ են Գեղամայ լերինք. 'ի մոլից կուսէ նոցին՝ Քէօթանիկ, և Հատիս՝ որ է Շաւիթամայ լեռն հանգեալ լերինն Արայի. յարեւմտեանն հարաւակողմն՝ Կալ-թէփէ և Աբ-տաղ որ են լերինք Գեղայ, և Աբգրայ-սար՝ այսպէս կոչեցեալ յանուն սրբազանի ուրուք, և այլ գագաթունք բարձունք բիւր ոտնաչափ և աւելի. յարեւելից կուսէ Գունկուր, Քիլիսէլի, Տէլիթէփէ, և այլն: Ի լերանց աստի 35 դեղք և վտակք մանունք իջանեն 'ի ծովակն, կէսք առանձինն և կէսք յիրար անկեալ, որպիսիք են գետն Զիւլուքուր 'ի հիւսիսոյ, Գեթիլ և Գիւթիլի՝ 'ի հիւսիսոյ արեւելից. իսկ յարեւելից կուսէ վտակք մանունք իջանեն զի լերինքն հուպ կան 'ի ծովակն. 'ի հարաւոյ և յարեւմտից հզօրագոյնք իջանեն գետակք, որպէս Մաւրս գետն՝ օժանդակեալ 'ի յոլովից վտակաց, գետն Մաքենոց, Շղուաքայ, Զադայ, Կոթայ, Կուլաթէթ որ յԱբգրայ սարէն իջանէ, և այլն: Իսկ 'ի ծովին մի միայն առու ելանէ յարեւմտից հիւսիսոյ և հոսէ 'ի հրազդան գետ, որոյ և թեւ մի համարի: Եւ է ծովակն 6000՝ բարձր յերեսաց Սեաւ ծովու, ունելով 40 մղոն ընդ երկայնի և 20 ընդ լայնի 'ի հարաւոյ կողմանէ, իսկ 'ի հիւսիսոյ 10 մղոն միայն, անձկագոյն ևս է 'ի միջակողմն՝ քարուտ սարաւանդից յառաջէ.